

Broj: 03-30/11-296/21 AG
Sarajevo, 01.02.2021. godine

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
MINISTARSTVO ZDRAVSTVA, RADA I
SOCIJALNE SKRBI
n/r gosp. dr. sc. Goran Opsenica, ministar

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO ZDRAVSTVA, RADA I SOCIJALNE POLITIKE

PRIJEMNO: 04.02.2021.			
Organizaciona jedinica	Klasifikaciona oznaka	Redni broj	Broj prijema
06-03-30-33-1/21			

PREDMET: Odgovor, dostavlja se

U vezi Vašeg akta broj: 06-03-30-33-1/21 od 25.01.2021. godine, sa aspekta nadležnosti ovog ministarstva u pogledu primjene propisa iz oblasti rada i radnih odnosa, obavještavamo Vas kako slijedi:

Zakonom o radu („Službene novine Federacije BiH“, br. 26/16 i 89/18), utvrđeno je da se kolektivni ugovor može zaključiti kao opći, granski i pojedinačni (kod poslodavca). Shodno odredbi člana 137. stav 2. istog zakona granski kolektivni ugovori zaključuju se za teritoriju Federacije Bosne i Hercegovine ili za područje jednog ili više kantona. Nadalje, odredbom člana 138a. stav 1. pomenutog zakona propisano je da granski kolektivni ugovor za područje djelatnosti koja se finansiraju iz budžeta ili vanbudžetskih fondova, zaključuju Vlada Federacije Bosne i Hercegovine, odnosno nadležna ministarstva i vlade kantona, odnosno nadležna ministarstva s jedne strane i reprezentativni sindikati tih područja djelatnosti s druge strane.

Shodno navedenom, odredbom člana 138a. stav 1. Zakona o radu su određene strane koje su ovlaštene za zaključivanje granskog kolektivnog ugovora za određeno područje djelatnosti koje se finansira iz budžeta ili vanbudžetskih fondova (npr. područje zdravstva). S tim u vezi, granski kolektivni ugovor za područje djelatnosti koje se finansira iz budžeta ili vanbudžetskih fondova za područje kantona, na strani poslodavca zaključuje vlada kantona, odnosno nadležno ministarstvo s jedne strane i reprezentativni sindikati tih područja djelatnosti s druge strane, a čija su ovlaštenja utvrđena Zakonom o radu. Naime, odredbom člana 131. stav 1. tačka b. pomenutog zakona propisano je da sindikat kome je utvrđena reprezentativnost u skladu sa ovim zakonom ima pravo kolektivno pregovarati i zaključivati kolektivne ugovore.

S tim u vezi, Zakon o radu ne sadrži izričite odredbe koje se odnose na način formiranja i sastav pregovaračkog tima na bilo kojoj od strana ovlaštenih za

pregovaranje i zaključivanje kolektivnog ugovora. Imajući u vidu zakonom utvrđena ovlaštenja reprezentativnih sindikata, mišljenja smo da kada je u pitanju pregovarački tim na strani reprezentativnog sindikata, da bi se, u svakom slučaju, moralo raditi o ovlaštenim predstavnicima sindikata koji učestvuje u pregovorima, a koji su ovlašteni u skladu sa propisima o organizovanju i djelovanju sindikata. Kada je u pitanju način iskazivanja interesa drugih sindikata, ističemo da je odredbom člana 138a. stav 4. Zakona o radu propisano da je u postupku zaključivanja kolektivnih ugovora iz st. 1, 2. i 3. ovog člana, reprezentativni sindikat dužan da sarađuje sa drugim sindikatima sa manjim brojem članova, radi izražavanja interesa i zaposlenih koji su učlanjeni u taj sindikat. Napominjemo da je odredbom člana 16. stav 1. tačka a. Zakona o radu propisana zabrana poslodavcima koja se odnosi na miješanje u uspostavljanje, funkcioniranje ili upravljanje sindikatom.

S poštovanjem,


MINISTAR
Vesko Drljača

CO: Federalno ministarstvo pravde
n/r gosp. Mato Jozić, ministar
(veza: Vaš akt broj: 01/03-45-282/21
od 29.01.2021. godine)